

DULCE M^a GARCÍA MELLA, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICO, antes da aprobación da acta correspondente, que o Consello de Goberno na sesión ordinaria que tivo lugar o día 23 de novembro de 2023 aprobou a modificación do Regulamento de xestión e uso de espazos da USC, nos termos do documento adxunto.

E para que así conste, asino a presente certificación en Santiago de Compostela, co V^o e Prace do sr. reitor.

V^o e prace

O reitor

Antonio López Díaz

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

ACORDO DO CONSELLO DE GOBERNO DO 23 DE NOVEMBRO DE 2023 POLO QUE SE MODIFICA O REGULAMENTO DE XESTIÓN E USO DE ESPAZOS DA UNIVERSIDADE DE SANTIAGO DE COMPOSTELA

O Claustro da Universidade de Santiago de Compostela aprobou o 2 de decembro de 2022 aprobou as liñas xerais do orzamento para o ano 2023 que contiñan un mandato para asegurar o acceso a equipamento informático de todo o persoal investigador da universidade, con independencia do capítulo con cargo ao que estea contratado. O Regulamento de xestión e uso de espazos da Universidade de Santiago de Compostela non recolle de xeito expreso a responsabilidade na asignación destes recursos polo que se estima conveniente precisar no texto esta atribución no sentido de garantir que o persoal conte cos recursos necesarios, sen prexuízo da estrutura á que lle corresponda a súa adquisición ou posta a disposición.

Á vista do anterior e tendo en conta as competencias atribuídas ao Consello do Goberno polos Estatutos da Universidade de Santiago de Compostela, este órgano

ACORDA

Artigo único. Modificación do Regulamento de xestión e uso de espazos da Universidade de Santiago de Compostela

O Regulamento de xestión e uso de espazos da Universidade de Santiago de Compostela queda redactado como segue:

Un. Modifícase o artigo 5, apartado 2, que queda redactado como segue:

«Artigo 5. Facultades, escolas e departamentos

[...]

2. No marco da programación a que se refire o número anterior, corresponde ás direccións de centro a xestión dos espazos do centro e, dentro desta atribución, as direccións de centro garantirán que o persoal docente e investigador e o persoal empregado investigador do centro dispoñan do equipamento preciso (mobiliario e equipamento informático) para o desenvolvemento ordinario da súa actividade docente e investigadora. A supervisión da devandita xestión pola Xunta de Facultade ou Escola poderá levarse a cabo a través dunha comisión delegada desta, que terá a denominación, composición e funcións que determine o regulamento de réxime interno do centro ou que acorde a Xunta de centro, procurando a representación adecuada dos departamentos, institutos, unidades e outras estruturas organizativas da USC que teñan sede física no centro.»

Dous. Modifícase o artigo 6, apartado 1, que queda redactado como segue:

«Artigo 6. Estructuras de investigación

1. É competencia dos/as directores/as e directores/as científicos/, respectivamente, dos institutos e centros singulares de investigación a organización, distribución e asignación, segundo as súas dispoñibilidades, dos

espazos de uso investigador e outros usos compatibles cos mencionados no artigo 3 deste regulamento. Dentro desta atribución, as direccións de centro garantirán que o persoal docente e investigador e o persoal empregado investigador do centro dispoñan do equipamento preciso (mobiliario e equipamento informático) para o desenvolvemento ordinario da súa actividade docente e investigadora. »

Sinaturas dixitais / Firmas digitais / Digital signatures

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA, 05/12/2023 15:09:47.

Asinante/Firmante/Signer: DULCE MARIA GARCIA MELLA, SECRETARIA XERAL, UNIVERSIDAD DE SANTIAGO DE COMPOSTELA, 05/12/2023 13:59:39.

CSV: 27F3-58D1-4A0B-8185